

Efnisyfirlit

Tillögur til 28. aðalfundar	2
Alsherjarnefnd	2
Stærðarmörk krókaafلامarksbáta óbreytt.....	2
Makrílveiðar.....	2
Makrílnefnd	2
VS afli	3
VS afli ráðstöfun tekna	3
Sjómannaaflsláttur	3
Veiðigjöldum hafnað	3
Veiðigjöld lögmæti	3
Markaðsstarf	4
Evrópusambandið	4
Reglugerðir.....	4
Reglugerðalokanir	5
Veðurathugunarstöð	5
Dragnót	5
Umhverfissamtök	5
Hvalveiðar	5
Fjarskipti	5
Stjórn Hafransóknarstofnunar	6
Smáfiskveiðar á handfæri	6
Viðmiðunarmörk	6
Slæing sem vinnsla	6

Tillögur til 28. aðalfundar

Landssambands smábátæigenda

Alsherjarnefnd

Stærðarmörk krókaflamarksbáta óbreytt

1. Aðalfundur Landssamband smábátæigenda samþykkir að stærðarmörk krókaflamarksbáta verði óbreytt.

Makrílveiðar

2. Aðalfundur Landssamband smábátæigenda ályktar að makrílpottur fyrir smábáta þ.e. báta undir 15 brt. verði aukinn í 18% af heildarafla í makríl, þ.e. að lágmarki 20.000 tonn í svipaðri fyrirmynd og þekkist erlendis, t.d. í Noregi.

Greinargerð.

- a. Makrílveiðar á handfæri hafa verið stundaðar í nokkur ár. Þeir bátar sem stunduðu þessar veiðar á sl. fiskveiðiári gerðu það með mjög góðum árangri. Ljóst er að mjög hagkvæmt er að veiða makríl á handfæri miðað við önnur veiðarfæri. Mikill áhugi er fyrir þessum veiðum og mjög margir hafa hug á þeim á næsta ári. Samtímis því sem kaupendum sem hafa áhuga vegna gæða hans fer ört fjölgandi, mun úthlutun eins og hún hefur verið, engan veginn fullnægja þeirri þörf sem er fyrir þennan bátaflokk.
- b. Helstu rök fyrir auknum veiðiheimildum til smábáta í makríl eru:
 - Veiðarnar eru umhverfisvænar
 - Þær skila hágæða hráefni
 - Þær eru mannaflsfrekar - atvinnuskapandi
 - Þær afla mikillar þekkingar um göngur makríls á grunnslóð
 - Makríll étur mikið af seiðum svo sem grásleppu-, þorsk- og ýsuseiðum, sandsíli, rauðátu, ljósátu og smásild. Og ekki má gleyma laxaseiðum.

Makrílnefnd

3. Aðalfundur Landssambands smábátæigenda samþykkir að kosin verði nefnd sem fjallar um málefni makrílveiðimanna. Nefndin starfi milli aðalfunda og

verði skipuð fimm mönnum sem kosnir eru á aðalfundi. Framkvæmdastjóri LS starfi með nefndinni og sjái um boðun funda.

Fulltrúar tilnefndir á fundi á morgun.

VS afli

4. Aðalfundur Landssambands smábátæigenda skorar á atvinnuvega- og nýsköpunarráðherra að færa reglur um VS afla til fyrra horfs.

VS afli ráðstöfun tekna

5. Aðalfundur Landssambands smábátæigendur leggur til að VS afla verði hægt að skipta í þrennt – 40% fari í AVS, 20% fari til útgerðar og áhöfn geti ánaðnað líknarsamtökum, góðgerðarsamtökum eða styrktarsjóðum 40%.

Sjómannaafsláttur

6. Aðalfundur Landssambands smábátæigenda skorar á atvinnuvega- og nýsköpunarráðherra að bæta sjómönnum nú þegar upp þá tekjuskerðinu sem þeir hafa orðið fyrir með lækkun sjómannaafsláttar. Fyrirhugað afnám sjómannaafsláttar mun auka þessa tekjuskerðingu enn frekar og skorar fundurinn á ráðherra að kanna aðrar leiðir í þessu sambandi, t.d. með dagpeningagreiðslum, hærri persónuafslætti eða öðrum sambærilegum skattaávilnunum.

Veiðigjöldum hafnað

7. Aðalfundur Landssambands smábátæigenda beinir því til aðalfundar LS að félagið berjist af mikilli hörku gegn þeirri ofurskattlagningu í formi veiðigjalda sem stjórnvöld hafa nú lagt á sjávarútveginn og mun smá saman draga allan mátt úr greininni og verða til þess að íslenskur sjávarútvegur mun dragast aftur úr keppinautum sínum erlendis.

Veiðigjöld lögmæti

8. Aðalfundur Landssambands smábátæigenda styður hugmyndir formanns LS um rannsókn á auðlindagjaldi. Í því sambandi er vísað til samþykktar stjórnar LS frá fundi hennar í júlí 2012:
„Stjórn LS samþykkir að fengið verði lögfræðilegt álit á því hvort sérstakt veiðigjald standist stjórnarskrá og lög. Sé niðurstaða slíks álits að gjaldið standist ekki, mun stjórn LS taka ákvörðun um framhald málsins“.

Markaðsstarf

9. Aðalfundur Landssambands smábátæigenda skorar á stjórnvöld að veita stórauðnum fjármunum til markaðsstarfs fyrir sjávarafurðir.
Greinargerð.
Það er mat aðalfundar Fonta að samkeppni fari mjög harðnandi á mörkuðum fyrir sjávarafurðir. Helstu samkeppnisaðilar okkar hafa nú þegar hafið gríðarlega markaðssókn sem gæti leitt til þess að neytendur taki þeirra vörur fram yfir sjávarafurðir héðan. Fontur telur brýnt að svara þessu strax með auknu fjármagni til markaðsmála

Evrópusambandið

10. Aðalfundur Landssambands smábátæigenda samþykkir að hann hafna alfarið inngöngu Íslands í Evrópusambandið og mótmæli aðildarumsókninni harðlega.

Reglugerðir

11. Aðalfundur Landssambands smábátæigenda skorar á atvinnuvega- og nýsköpunarráðherra að skila til félagsins álit um lokun svæðis fyrir togveiðum vestur úr Sandgerði og suður úr Grindavík.
Greinargerð.
Reykjanes hefur í áraraðir farið fram á lokun svæðisins en aldrei fengið skýr svör hvers vegna það er ekki gert.
12. Aðalfundur Landssambands smábátæigenda krefst þess að reglugerðahólf verði opnuð, standist mælingar á svæðinu.
13. Aðalfundur Landssambands smábátæigenda óskar eftir því að Landssambands smábátæigenda beiti sér af fullum þunga að láta opna reglugerðarhólf fyrir línuveiðum út af Suðausturlandi (svokölluð keiluhólf).
Greinargerð.

Óvíða umhverfis landið eru jafn stór svæði lokuð línuveiðum og fyrir Suðausturlandi í yfirsýni þess að verið sé að friða keilu. Lokanir þessar eru farnar að hamla línuveiðum á þessu svæði verulega. Innan hólfanna eru góð mið bæði þorsks og ýsu og keila í minnihluta aflans.

Reglugerðalokanir

14. Aðalfundur Landssambands smábátæigenda skorar á atvinnuvega- og nýsköpunarráðherra að breyta fyrirkomulagi reglugerðalokana þannig að lokun hólfanna falli úr gildi eigi síðar en þremur árum eftir að þau hafa verið ákveðin.

Veðurathugunarstöð

15. Aðalfundur Landssambands smábátæigenda vill að Landssambands smábátæigenda beiti sér áfram í því að komið verði upp veðurathugunarstöð á Reynisfjalli.

Dragnót

16. Aðalfundur Landssambands smábátæigenda ályktar að dregin veiðarfæri svo sem dragnót (snurvoð) verði alfarið sett undir sömu lög og skilyrði og aðrar togveiðeiðar fyrir Suðurlandi. Þar verði miðað við 3 - 4 sml. eftir stærð fyrir Suðurlandi.

Umhverfissamtök

17. Aðalfundur Landssambands smábátæigenda mótmælir rangfærslum umhverfissamtaka um fiskveiðar. Samtökin hafa löngu sýnt að þau hafa litla sem enga innsýn inn í fiskveiðistjórnun og það umhverfi sem íslenskir fiskimenn starfa í.

Hvalveiðar

18. Aðalfundur Landssambands smábátæigenda styður veiðar á hval og hvetur stjórnvöld til að fylgja málinu eftir.

Fjarskipti

19. Aðalfundur Landssambands smábátæigenda leggur til að LS beiti sér fyrir bættum fjarskiptum á fiskimiðunum umhverfis landið (talstöð og gsm).
Greinargerð.
Í fjarskiptaáætlun 2005-2010 var gert ráð fyrir að langdræg stafræn farsímaþjónusta stæði til bóta á miðum við landið eftir að síminn hætti rekstri NMT kerfisins 1.september 2010.

Stjórn Hafransóknarstofnunar

20. Aðalfundur Landssambands smábátæigenda mótmælir því að hagsmunaaðilar sitji í stjórn Hafró. Meðan óbreytt fyrirkomulag varir krefst aðalfundur Fóns að fulltrúi frá LS komi inn í stjórn Hafransóknarstofnunarinnar.

Smáfiskveiðar á handfæri

21. Aðalfundur Landssambands smábátæigenda beinir þeirri eindregnu áskorun til handfæraveiðimanna að þeir leggist ekki í smáþorsk upp í fjörum.

Greinargerð.

Síðasta sumar gerðist nokkrum sinnum að skyndilokunum var beitt vegna mjög hás hlutfalls smáfisks frá handfærabátum í strandveiðum. Þetta hefur þær afleiðingar að veiðisvæði lokast á þá sem ekki stunda slíkan veiðiskap.

Linni þessu ekki hlýtur LS að kanna hvort möguleiki sé á því að í stað þeirra aðferða sem beitt er í dag verði viðkomandi bátar sviptir veiðileyfi séu þeir ítrekað staðnir að því að leggjast í smáþorsk.

Viðmiðunarmörk

22. Aðalfundur Landssambands smábátæigenda skorar á Hafransóknarstofnun að endurskoða viðmiðunarmörk við skyndilokanir í keilu við úr 55 cm í 50 cm.

Slæing sem vinnsla

23. Aðalfundur Landssambands smábátæigenda skorar á atvinnuvega og nýsköpunarráðherra að slæing verði viðurkennd sem vinnsla við úthlutun byggðakvót/ívilnun

